

de Champlain d'heureufe memoire, auoit dit à vn Capitaine Montagnez, vn peu deuant que de rendre l'ame, qu'il emporteroit avec foy tout le païs des Hurons. C'est la coustume des Capitaines Barbares, de fouhaitter que d'autres leur tiennent cōpagnie à leur trespas, iufque là qu'ils enuoirōt par fois tuër quelqu'autre Capitaine, pour aller enfemble en l'autre monde. Ces ignorans pleins de malice se figurent [212 i.e., 208] aifémēt que nous participons à leurs detestables sentimens, c'est pourquoy ils foupçonnoient Monsieur de Champlain d'auoir procuré leur mort à fon trespas.

Quelques autres attribuoient la caufe de leur contagion à nostre vengeance, difans que nous n'estions montés en leur païs que pour sacrifier tous leurs corps à l'ame d'vn nommé Estienne Bruslé qu'ils ont misérablement affaffiné. Tout paroift jaune aux icteriques qui ont les yeux jaunes, les peuples que l'ardeur d'vne vengeance enragée contre ceux qui leur font mal, va confommant, nous croient tous efchauffés & bruslez d'vn mefme feu.

Bref ils philosophoiēt encore de leur maladie d'vne autre façon, ils difoient que nos François auoient enforcélé vn capot, ou vne robe, & l'auoient enterré aux trois Riuieres, mais en tel lieu qu'ils se doutoient bien que les Hurons tres-grands larrons l'enleueroiēt: ce qu'ils firent, l'ayant donc trāsporté en leur païs ils y ont quand & quand porté la peste & la contagion.

Ces nations se perfuadent qu'ils ne meurent quafi que par des forts, c'est pourquoy nous mesurās à mefme aulne ils nous pensent & croient plus grāds forciers qu'eux mefmes, [213 i.e., 209] fur ces bruits autant esloignés de la verité, qu'ils font opporcion-